

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

« --- » հոկտեմբերի 2016թ.

N--Ա

ՈՐՈՇՈՒՄ

ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 34-րդ գլխի կանոններով, Երևան քաղաքի ավագանու 2015 թվականի դեկտեմբերի 23-ի N451-Ն որոշման հավելվածի 3-րդ կետով՝

Երևան քաղաքի ավագանին որոշում է.

1. Թույլատրել Երևանի քաղաքապետին՝ Երևան համայնքի սեփականությունը համարվող Լեոյի փողոցի հ. 1 շենքի հ.66՝ 75 քմ ընդհանուր մակերեսով բնակարանը (անշարժ գույքի նկատմամբ իրավունքների պետական գրանցման հ. 12082016-01-0137 վկայական) սեփականության իրավունքով անհատույց օտարել (նվիրել) Սվետլանա Նավասարդյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ- ՀԻՄՆԱՎՈՐՈՒՄ

«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Ստեղծագործական արվեստանոց-բնակարան հատկացնելու խնդրանքով Երևանի քաղաքապետին է դիմել ՀՀ ժողովրդական արտիստ, պետական մրցանակի և միջազգային չորս մրցույթի դափնեկիր (Շումանի անվան, Յվիկկաու, Բախի անվան, Լայպցիգ, Ելիզաբեթ թագուհու անվան, Բրյուսել, Սիդնեյի միջազգային մրցույթ), «Սուրբ Մեսրոպ Մաշտոց» և «Պատվո» շքանշանակիր, «Սուրբ Սահակ, Սուրբ Մեսրոպ» շքանշանի ասպետ, Երևանի կոնսերվատորիայի պրոֆեսոր Սվետլանա Նավասարդյանը, որը նաև «վարպետության» դասեր է վարում Մոսկվայի, Փարիզի, Ստրասբուրգի կոնսերվատորիաներում, Ստոկհոլմի «Lilla» ակադեմիայում, Փարիզի՝ «Ecole Normale de musique de Paris» ճանաչված բարձրագույն ուսումնական հաստատությունում:

Դիմողը նշել է, որ մշտական գերձանրաբեռնվածությունը, բազմաբնույթ լարված աշխատանքը, որը պահանջում է և՛ երկարաժամյա պարապմունքներ և՛ ծայրահեղ կենտրոնացում, դժվար է իրականացնել բնակարանային ներկայիս պայմաններում: Երկար տարիներ ապրում է քրոջ և զարմիկի բազմանդամ ընտանիքի հետ միասին, ապրում՝ համերաշխ, սակայն վաղուց ի վեր հասունացել է ստեղծագործական արվեստանոց-բնակարան ունենալու խնդիրը:

Նշել է նաև, որ ստեղծագործական բազում ծրագրերի իրագործման համար անհրաժեշտ պայմանները թույլ կտան իրեն առավելագույնս բացահայտելու իր կարողությունը՝ ի նպաստ հայրենի մշակույթի:

«Կենտրոն-1» համատիրության 26.09.2016թ. տեղեկանքի համաձայն՝ Իսրայելյան փող. 37 շենքի հ. 18 բնակարանում Ս.Նավասարդյանի հետ փաստացի բնակվում է իր քրոջ՝ 5 անձից բաղկացած ընտանիքը:

Երևան քաղաքի ավագանու 2015 թվականի դեկտեմբերի 23-ի «Երևան քաղաքի սեփականություն համարվող գույքն օգտագործման տրամադրելու և օտարման 2016 թվականի ծրագրի վերաբերյալ» N 451-Ն որոշման հավելվածի 3-րդ կետի համաձայն՝ գույքը կարող է տրամադրվել անհատույց օգտագործման կամ անհատույց օտարվել միայն Երևան քաղաքի ավագանու որոշմամբ՝ բացառությամբ Ծրագրի 4-րդ կետի և 40-րդ կետի 4-րդ ենթակետի:

Ելնելով վերոգրյալից, հաշվի առնելով Ս. Նավասարդյանի մեծագույն վաստակը, Երևան քաղաքի ավագանու քննարկմանն է ներկայացվում սույն որոշման նախագիծը, որով առաջարկվում է Երևան համայնքի սեփականություն համարվող Լեոյի փողոցի հ. 1 շենքի հ.66՝ 75 քմ ընդհանուր մակերեսով բնակարանը նվիրել Ս. Նավասարդյանին:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ
ԲԱՑԱԿԱՑՈՒԹՅԱՆ ՄԱՍԻՆ**

«Երևան համայնքի սեփականություն համարվող բնակարանն անհատույց օտարելու մասին»
Երևան քաղաքի ավագանու որոշման նախագծի ընդունման առնչությամբ այլ իրավական ակտերի
ընդունման անհրաժեշտություն չի առաջանում:

Տ Ե Ղ Ե Կ Ա Ն Ք

**«ԵՐԵՎԱՆ ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՄԱՐՎՈՂ ԲՆԱԿԱՐԱՆՆ ԱՆՀԱՏՈՒՅՑ ՕՏԱՐԵԼՈՒ
ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ
ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Երևան համայնքի սեփականություն համարվող բնակարանն անհատույց օտարելու մասին»
Երևան քաղաքի ավագանու որոշման նախագծի ընդունման կապակցությամբ Երևանի բյուջեի
եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ